

РОЖДЕСТВО ХРИСТОВО.

ВАЖНЫЕ МОМЕНТЫ БОГОСЛУЖЕНИЯ В ПОМОЩЬ МОЛЯЩИМСЯ

ТРОПАРЬ ПРАЗДНИКА, ГЛАС 4:

Рождество Твое, Христэ Бже наш,/ возсия миру свет разума,/ в нем бо звездам служащий/ звездою учахуся/ Тебе кланяться, Солнцу Правды,/ и Тебе ведети с высоты востока.// Господи, слава Тебе.

КОНДАК, ГЛАС 3:

Дева днесь Пресущественнаго раждает,/ и земля вертеп Неприступному приносит./ ангели с пастырьми славословят,/ волсви же со звездою путешествуют:// нас бо ради родися Отроча Младо, Превечный Бог.

ВЕЛИЧАНИЕ ПРАЗДНИКА:

Величаем Тя,/ Живодавче Христэ,/ нас ради ныне плотию рождшагося// от Безвестныя и Пречистыя Девы Марии.

КАНОН

ПЕРВЫЙ КАНОН ПРАЗДНИКА, ГЛАС 1:

Ирмос: Христос раждается – славите,/ Христос с Небес – срящите./ Христос на земли – возноситеся./ Пойте Господеви, вся земля,/ и веселием воспойте, людие,// яко прославися. (Дважды)

ВТОРОЙ КАНОН ПРАЗДНИКА, ГЛАС 1:

Ирмос: Спасе люди чудодействуй Владыка,/ мокрую моря волну оземленив древле;/ волею же рождся от Девы,/ стезю проходну Небесэ полагает нам.// Егоже, по Существу равна же Отцу и человеком, славим. (Дважды)

КАТАВАСИЯ:

Величай, душе моя,// Честнейшую и Славнейшую Горних воинств, Деву Пречистую, Богородицу.

Любити убо нам, яко безбедное страхом, удобнее молчание: любовью же, Дево, песни ткати спротяженно сложенные неудобно есть; но и, Мати, силу, елико есть произволение, даждь.

+++

НА БОЖЕСТВЕННОЙ ЛИТУРГИИ

ПЕРВЫЙ АНТИФОН:

Стих 1: **Исповемся Тебе, Господи, всем сердцем моим,/ повем вся чудеса Твоя.**
Припев: *Молтвами Богородицы, Спасе, спаси нас.*

Стих 2: **В совете правых и сонме/ велия дела Господня.**

Стих 3: **Изыскана/ во всех волях Его.**

Стих 4: **Исповедание и великолепие дело Его,/ и правда Его пребывает в век века.**

ВТОРОЙ АНТИФОН:

- Стих 1: Блажен муж, бойся Господа,/ в заповедех Его восхощет зело.
Припев: *Спаси ны, Сыне Божий,/ рождейся от Девы, поющая Ти://*
аллилуйя.
- Стих 2: Сильно на земли будет семя Его,/ род правых благословится.
- Стих 3: Слава и богатство в дому Его,/ и правда Его пребывает в век века.
Спаси ны, Сыне Божий,/ рождейся от Девы, поющая Ти://
аллилуйя.
- Стих 4: Возсия во тьме свет правым,/ милостив и щедр, и праведен.

Апостольское чтение

Чтец: К Галатом послания святого Апостола Павла чтение.

Братие, егда прииде кончина лета, посла Бог Сына Своего Единородного, раждаемого от жены, бываема под законом, да подзаконныя искупит, да всыновление восприимем. Да яко есте сынове, посла Бог Духа Сына Своего в сердца ваша, вопиющая: Авва, Отче. Темже уже неси раб, но сын: аще ли же сын, и наследник Божий Иисус Христом.

Евангельское чтение

Иерей: От Матфея святого Евангелия чтение.

Иисусу рождшуся в Вифлееме Иудейстем во дни Ирода царя, се волсви от восток приидоша во Иерусалим, глаголюще: где есть рождейся Царь Иудейский? Видехом бо звезду Его на востоце и приидохом поклонитися Ему. Слышав же, Ирод царь смутися, и весь Иерусалим с ним. И собрав вся первосвященники и книжники людския, вопрошаше от них: где Христос раждается? Они же рекоша ему: в Вифлееме Иудейстем; тако бо писано есть пророком: и ты, Вифлееме, земле Иудова, ничимже меньши еси во владыках Иудовых, из тебе бо изыдет Вождь, иже упасет люди Моя Израиля. Тогда Ирод тай призвал волхвы и испитоваше от них время явльшиися звезды. И, послав их в Вифлеем, рече: шедше, испытайте известно о Отрочати; егда же обрящете, возвестите ми, яко да и аз, шед, поклонюся Ему. Они же, послушавше царя, идоша. И се звезда, юже видеша на востоце, идяше пред ними, дондеже, пришедше, ста верху, идеже бе Отроча. Видевше же звезду, возрадовашася радостию великою зело. И, пришедше в храмину, видеша Отроча с Мариею, Материю Его, и, падше, поклонившася Ему, и, отверзше сокровища своя, принесоша Ему дары, злато, и ливан, и смирну. И, вест приемше во сне, не возвратитися ко Ироду, иным путем отидоша во страну свою.

С Рождеством Христовым, дорогие братья и сестры!